



## Universitätsbibliothek Paderborn

### **Instructio practica ...**

Institutiones Theologiæ Mysticæ, Seu Facilem & practicum modum  
Exercitia Spiritualia S.P. Ignatii Loyolæ per octiduum faciendi - item  
triduanam recollectionem fructosè instituendi complectens, Et  
Sacerdotibus Præcipuè, aut de Sacerdotali Statu suscipiendo  
deliberantibus accomodata, Una cum ...

**Lohner, Tobias**

**Dilingæ, 1680**

Medit. III. De Spiritus Sancti missione.

[urn:nbn:de:hbz:466:1-48834](https://nbn-resolving.org/urn:nbn:de:hbz:466:1-48834)

Christum quoque varias gratias in suo triumpho distribuere voluisse, hinc Apostolus ad Eph. 4, dixit. *Ascendit Christus in altum, captivam duxit captivitatem, dedit dona hominibus.*

Considera II. Cùm tanta sit Christi liberalitas, quæ præcipuum dona ab eo petere debeas, videlicet, ut, cum sicut Elias in curru igneo charitatis ad cælos ascendit, quoque cum Elifæo ad eundem clames: *Obsecro, Domine, fiat in me spiritus duplex tuus, propriæ videlicet, & animæ salutis zelus, utpotè præcipuum, summèque necessarium instrumentum ad vocationem perfectè adimplendam.*

Considera III. Quantopere hic spiritus duplex conatus sit ad omnes tuas functiones Pastorales ritè & fructuosè obeundas, quantòque adeò cum fervore & submissis eundem a Christo petere debeas, & velis. Colloquiamur a Christo.

## MEDITATIO III.

## DE SPIRITUS SANCTI MISSIONE.

Præludium I. Est, Apostolos in uno cubiculo congregatos, & Spiritum Sanctum in linguis igneis super ipsos descendentem intueri.

Præludium II. Est, petere gratiam à Deo, ut donum illud dignè æstimare, atque ad illud dignè suscipiendum quod optimè te disponere possis.

## Punctum I.

Considera I. Quàm verè, nunc dici queat, per Spiritum Sancti missionem reipsa contigisse, quod olim Poetæ Prometheo fingeant, quòd scilicet, cùm statua à se fabricata nihil aliud, quàm animam deesse adverteret, ignem cælo attulerit, eoque statuam suam animaverit: verè cùm Apostoli, totaque, quam repræsentabant, Ecclesia cõpuncta quoque inanimatum erat, donec virtute ex alto instructa à Christo, & Spiritus Sancti, velut animæ, adventu animata retur.

Considera II. Quàm perfectè Spiritus Sanctus animæ ritualis officium impleverit, quàm bene Apostoli hæc

animati vivere, quam acutè sentire cœlestia, quam sapienter intelligere divina mysteria, & movere se discurrendò per totum mundum, Evangelicamque doctrinam prædicandò inceperint.

Confidera III. Quàm nobiles & pretiosi sint hi effectus; quò scilicet præstantiores, quantò pluris faciendà est vita, & operationes supernaturales, quàm naturales. Si ergò anima & vita naturalis tantopere diligitur, & custoditur, ut Salomon prov. 4. hortari ausus sit: *Omni custodia serva cor tuum, quoniam ex ipso vita proædit*; quantò major cura adhibenda erit, ut Spiritus Sanctus velut supernaturalium actionum principium fovetur, & conservetur. Vide ergo, an eundem ut par est, hæcenus æstimaris, & conservare, invocareque studueris. Colloquium ad SS. Patronos.

## Punctum II.

Confidera I. Quibus medijs usi sint Apostoli ad Spiritus Sancti adventum & gratiam obtinendam, tribus nempe.

I. *Humili & devota oratione*; memores videlicet, quid Christus Luc. 11. dixerit: *Petite; & dabitur vobis; si enim petitis, cum sitis mali, nõstis bona dare filiis vestris, quantum magis Pater vester de cælo dabit spiritum bonum petentibus*. II. *Mandatorum divinorum observatione*: dum scilicet tam promptè paruerunt Christo præcipienti, ne ab Jerusalem discederent, sed promissionem Patris expectarent; hæc enim observatio mandatorum est velut unio, per quam Spiritus Sanctus velut anima Apostolis, totique Ecclesiæ uniri debet; hinc ipse Christus Jo. 14. dixit: *Si quis diligit me, sermonem meum servabit, & Pater meus diliget eum, & ad eum veniemus & mansionem apud eum faciemus*, utique Spiritum Sanctum etiam secum adducentes. III. *Muniã inter se charitate*: erant enim unanimiter perseverantes, ut act. 1. legitur; hæc enim unio mutua vel mutua necessaria erat, tum ad Spiritus Sancti adventum efficacius per orationem impetrandum (uti Christus Matt. 18. indicavit dicens: *Iterum dico vobis, quia si duo ex vobis consenserint super terram, de omni re, quamcunque petierint, fiet a patre meo, qui in cælis est*) tum ad eundem recipiendum, ut enim ab anima, non nisi membra, quæ sibi

Instruã. VIII.

Q

mutuò

mutuò unita sunt, animantur, ita nec à Spiritu Sancto, teste Apostolo I. Cor. 14. *non est dissensionis Deus, sed unitio, qui mutuam cum alijs membris Ecclesie unionem, charitatèmq; non habet.*

Confidera II. Quàm efficacia sint hæc media ad Spiritum Sanctum non tantùm efficaciter, sed abundanter etiã impetrandum, quòdque adeò à te & alijs Sacerdotibus tantùm diligentius adhibenda sunt, quantò magis gratia illius & iudicium ad operationes vestras Apostolicas necessaria est.

Confidera III. Quomodo hæc dispositiones & media adhibueris, & adhibere deinceps velis. Colloquium à Virginem.

### Punctum III.

Confidera I. Quæ media adhibuerint Apostoli ad conservandum Spiritum Sanctum, videlicet duo præcipua. Quòd ejus impulsui & directioni sedulò paruerint; cum denunciabatur eis, ne omninò loquerentur, neque crederent in nomine JESU, impertèritè responderunt: *scitum est in conspectu Dei, nos potius audire, quàm Deum judicare; non possumus, quæ vidimus, & audivimus, loqui; nimirum nescit tarda molimina Spiritus Sancti.* II. Quòd omnem carnalem & sensualem amorem à se excluderint, uti vel ex eo colligitur, quòd mortuorum post Spiritus Sancti adventum quidquam, quòd sensualem amorem saperet, admisisse legatur; non ignari quippe fuerant, quid ipse Deus Gen. 6. *Non permanebit spiritus meus in homine in aternũ, quia caro est.* Unde huc prætrahi potest, quòd Thomas Kemp. l. 3. c. 53. dixit: *pretiosa est gratia mea, nõ permittit se misceri extraneis, nec consolationibus externis.* Qui ergo libere necesse est, ut omnes pravas & inordinatas affectiones suas mortificet, atque nulli creatura præterito amore concupiscenter inhæreat.

Confidera II. Quàm & hæc media non modò efficacia, sed planè etiam necessaria sint ijs, qui Spiritus Sancti præsentiam retinere desiderant; cum planè Spiritus Sanctus sicut amor divinus, & amor sensualis sibi extremè contraria sint, atque adeò tam parùm, quàm alia duo contraria, eodem homine consistere possint.

Confidera III. Quam æquum proin fit, ut amorem (cen-  
 ſuram, cum quo non niſi omnia mala pariter venerunt, ex-  
 cedas, & Spiritui Sancto tanquam cœleſti amori aditum  
 operias, utpote de quo iure dicere queas: *Venerunt autem  
 nobis omnia bona pariter cum eo.* Exclama ergo cum Eccle-  
 ſia: *Veni Sancte Spiritus, reple tuorum corda fidelium, &  
 tui amoris in eum ignem accende.* Colloquium ad Chriſtum.

## CONSIDERATIO.

DE ACTIONIBUS QUOTIDIANIS RITE  
OBEVNDIS.

Confidera I. Quæ conditiones ad actionem bonam &  
 perfectam requirantur; tres videlicet, nempe ut fit bona  
 quoad *ſubſtantiam*, quoad *modum*, quoad *finem*. Bona quo-  
 ad *ſubſtantiam* erit, ſi ſaltem divinæ legi, & rationi non fit  
 diſformis; hinc etiam actiones indifferentes, ut laborare,  
 comedere, bibere, ludere, ambulare, colloqui, dormire &c.  
 hoc ſenſu bonæ dici queunt. Negari tamen non debet, dari  
 hæc in parte latitudinem, & unam actionem etiam quoad  
 ſubſtantiam aliâ meliorem eſſe; ſic enim, cæteris paribus,  
 melior eſt actio, quæ plus charitatis continet, (*multum e-  
 rum facit, qui multum diligit*, ait Thomas Kemp. l. i. c. 15.)  
 illa autem plus charitatis continet, quæ majorem propriæ  
 voluntatis abnegationem, & difficultatem involvit, aut non  
 appropriam duntaxat, ſed alienam, etiam ſalutem procuran-  
 diam ordinatur. Bona quoad *modum* ut fit, requiritur, ut  
 impetris *in gratia* fiat, deinde cum debita *diligentia* pera-  
 gatur; demum ut non ex neceſſitate, ſed cum magna prom-  
 ptitudine & hilaritate obeatur; *hilarem namque datorem  
 diligit Deus*, teſte D. Paulo 2. Cor. 9. quæ quidem tres con-  
 ditiones, quod perfectiores fuerint, tantò etiam quoad mo-  
 dum perfectior erit actio. Quoad *finem* denique bona erit ac-  
 tio, ſi propter cauſam honeſtam & aliquo modo ſupernatu-  
 ralem eliciatur, nempe ut beatitudo obtineatur, vel æternæ  
 pœnæ devitentur, vel ut Deo ſuper omnia amato beneplac-  
 ceant, quæ ultima cauſa, ſicut omnium perfectiſſima eſt, ita  
 merito ſuadetur ab Apoſtolo ad Rom. 16. *Omnia veſtra in  
 caritate fiunt*, per hanc enim actiones noſtræ divinum  
 quidpiam hauriunt, & quodammodo deificantur, ut loqui-

tur S. Gregorius Nazianzenus. Unde facile patet, actionem secundum finem spectatam tantò meliorem esse, quantò prior est amor, ex cuius motivo elicitur; tantò autem puriorem esse amorem, quantò minùs de solatio, præmio, laude, aut commodo terreno admittit. Examina ergo, quomodo tres istas conditiones hactenus in actionibus tuis observas, tantòque maiorem deinceps diligentiam in iisdem persequendis adhibe, quantò difficilius est, easdem in praxin deducere: certè S. Hieronymus c. 4. contra Pelag. expressè ait *Cunctorum in carne iustorum imperfecta perfectio est.* & S. Bernardus in epist. 111. intrepidè ausus est dicere: *scio sibi hic gradus à quoquam in hac vita rellè apprehensur, ut se homo diligat tantum propter Deum. Afferunt huiusmodi qui experti sunt; mihi fateor in hac vita impossibile, videri illum apprehendere.*

Considera II. Quas ob causas omnem diligentiam adhibere debeas in actionibus tuis quotidianis ritè perficendis, ob tres videlicet. I. *Propter Deum*: si enim famulantes Regi alicui terrene servientes, omnia cum singula diligentia & perfectione perficiunt; quantò magis Deo, Regi Regum, & Domino Dominantium nihil nisi undeque perfectum offerri debet. Unde meritò semper reipsum quamvis actionem excitare cum Davide deberes, & dicere: *Totis viribus hanc actionem perficiam, non enim homini præparatur, sed Deo.* II. *Propter te*: cuius perfectio & utilitas in operibus quotidianis ritè peractis consistit, ut earborum bonitas ex fructibus colligitur, ita qualitas hominum ex operum qualitate concluditur. Si ergo in omnibus tuis arboribus optimos quosque fructus optiaries, & si in tua personate foret, omni studio procurares; quantò magis cogitare debes, ut tu ipse fructus non nisi optimos, utpote in eternitatem duraturos proferas; cum hoc, auxiliante divina gratia, semper efficere possis; *magis siquidem Deum propter te ex quanto quis agit, quam opus, quod facit, ut sapienter præcipit* Author l. 1. de imit. c. 15. advertit. III. *Propter Primum*: cum enim eorundem operum tuorum fructum largi factorium & impetratorium, si non totum, magnà certè parte in auxilium & solatium viventium & Defunctorum offeras, au non vel hoc etiam titulo non modicè incitaberis.

eadem cum maxima perfectione perficienda. Dic enim, amico tuo singulariter dilecto in paupertate tua succurre- res velles, & Deus tibi potestatem daret, plumbum, argen- tum, vel aurum pro libitu creandi; an in tali casu non au- rum potius, quàm argentum aut plumbum creares? cur er- go, cum Deus potestatem tibi dederit, ad aurea potiùs opera, seu ex charitate facta, quàm argentea ex minùs perfectis mo- tivis elicitia; aut plumbea, id est, negligenter peracta, pro- ducenda, non illa potiùs, quàm ista producere studes?

Confidera III. Quæ media adhibere possis, & debeas, ad actiones tuas quotidianas dicto modo perficiendas. Tria præcipuè suadèo. Primum est, ut *deliberatè* eas perficere studeas, non temerè scilicet, aut ex consuetudine eas elicien- do, sed cum legitima intentione singulis aut potioribus saltem actionibus tuis præfixâ; per hanc quippe intentio- nem memoria trium morivorum supra indicatorum renova- bitur, & hoc ipso non parvus etiam stimulus addetur ad eas- dem cum magna perfectione producendas. Secundum est, ut *liberè*, id est, absque omni sollicitudine de præteritis & fu- turis alijs operibus actiones tuas singulas perficias; cum e- nim demon advertat, pluribus intentum sensum ad singula minorem esse, id unum agit. ut animum operantis vel præ- teritorum recordatione, vel futurorum sollicitudine distra- hat, & ad bene operandum inhabilem efficiat. Unde, quod olim apud Ethnicos sacrificantibus dicebatur: *Age, quod a- git*: id tibi occine, tantâque cum applicatione animi singu- las tuas actiones perage, ac si postremæ in vita forent, Deiq; gloria, ac totius generis humani salus ab ijsdem dependeret.

Tertium est, ut *ordinatè* quoque illas perficias; absque hoc enim ordine confusè propositæ non parùm distrahent ani- mum, & dum inquirere primùm oportet, quæ alteri præfe- renda sit, sollicitum ac turbatum efficiet; unde S. Ignatius ad impedimentum hoc removendum pridie semper actiones sequentis diei ordinare solebat, ut, dum sua cuique horæ a- ctio destinata scitur, liberius vires ad eam solam converte- rentur. ut autem hunc ordinem tantò faciliùs conficias, & observes, sequentia monita non parùm proderunt.

I. Operam dabis, ut tempus dormiendi & surgendi pru- denter definitum habeas, rigideque observes; alioqui enim

totus diurnarum actionum ordo non raro, nec levi cum  
spendio turbabitur.

II. Si commodè potes, quotidie tempus aliquod facti  
meditationi cujusdam mysterij de vita Christi aut Sancto-  
rum aut alterius doctrinæ piæ impendes; vix enim explicari  
potest, quantas vires ejusmodi meditatio habeat, ad omni-  
torius diei functiones ritè alacritèrque perficiendas.

III. Horas Canonicas, si ad easdem in Choro dicendi  
non obligaris, maturè, & ante alias actiones recitabis, ut  
ut majori cum devotione & quietè eas persolvere queas; ut  
ut liberior & expeditior sis ad reliquas muneris tui functio-  
nes peragendas. Idem in SS. Missæ Sacrificio offerendum  
quantùm fieri potest, observa,

IV. Post preces matutinas, & horas canonicas peractas  
prima tuâ cura sit, ut librum aut thecam manuales agendarum  
rum inspicias (nisi pridie ante somnum id feceris) & quæ  
illo die, & quo modo & ordine peragendum sit, accu-  
dispicias, definiâsque. Convenit autem hunc librum  
thecam in aliquot partes distingui, in quarum prima in-  
mi Parochiani, aut in alia gravi necessitate constituti.  
secunda denuntiationes publicè faciendæ. In tertia res  
Decanum, vel Vicarium generalem scribendæ, aut de  
doctis viris proponenda; in quarta translationes Festorum  
in quinta alia negotiola minoris momenti notentur.

V. Reliquum tempus matutinum, nisi aliud necessitas  
charitas exigat, privatæ lectioni aut studio impendas, & præ-  
cipuè concioni proximè habendæ, quam semper mature & im-  
fectam habere studebis, ne alioqui temporis angustijs  
tus minùs utiliter eam componas.

VI. Etiam prandij cænæque tempora, quantum fieri po-  
test, definita habebis; tum ut importunas cogitationes  
cibo & potu liberius excutias; tum ut reliquarum func-  
tionum ordinem minùs interturbatum conserves.

VII. Si quas œconomicas curas suscipiendas habebis  
in tempus, quod prandium subsequitur, rejicies. Quod  
verè aut visitandi ægri, aut ambulatio, itèrve suscipienda  
erit, id ipsum quoque pomeridiano tempore, utpote ap-  
facias.

VIII. Si tempus aliquod ordinarijs functionibus super-  
scilicet



semper alia actio determinata sit, quam substituas, ne oīo  
 malorum omnium origini ullus unquam apertus sit locus.

IX. Noli autem turbari, si subito quopiam casu, aut ne-  
 gijis intervenientibus constitutum ordinem diurnum in-  
 turbam pere, vel mutare cogaris, sed potius optimum tuarum  
 institutionum ordinem esse crede, quem sanctissima Dei vo-  
 luntas per ejusmodi negotia supervenientia sufficienter in-  
 dicata designat.

## Materia Lectionis.

Ex libello de imitatione Christi legi potest l. 3. c. 31.

Ex Ascetico vel historico aliquot capita.

Ex libello Exercitiorum legi hodie utiliter possunt Re-  
 gularē à S. Ignatio, ut cum Orthodoxa Ecclesia rectè sen-  
 tiatur, præscriptæ, quæ in sequentibus monitis consistunt.

I. Ut promptus semper animus retineatur, ad obedi-  
 entiam, & sentiendum cum Ecclesia Catholica.

II. Ut laudetur frequens confessio & communio, Missæq;  
 auditio, & horarum canonicarum tam privata, quàm publi-  
 ca recitatio.

III. Ut Religiones & vota religiosa pariter commenden-  
 tur, & status cælibatus, aut virginittatis conjugio præferatur.

IV. Ut reliquiarum veneratio, & invocatio Sanctorum,  
 peregrinationesque ad illorum templa institutæ, cum indul-  
 gentijs, jubilæis, & alijs devotionis adminiculis laudentur.

V. Ut templorum extructio, ornatus, & imagines etiam  
 commendentur.

VI. Ut præcepta Ecclesiæ, Traditiones, Ritus, & Decreta  
 studiosè probentur; quemadmodum etiam doctrina sacra  
 tum positiva, tum scholastica.

VII. Ut vitetur hominum, qui adhuc in terris vivunt,  
 cum Beatis in cælo existentibus comparatio; talis enim  
 comparatio, ut Thomas Kemp. l. 3. c. 58. ait, nullum fru-  
 ctum affert, sed potius dissensiones, & lites inutiles parit,  
 idèque Deo & Sanctis displicet.

VIII. Ut, cum de prædestinatione (quod rarò fieri expe-  
 dit) sermo habetur, cum magna circumspectione id fiat, ne  
 aut liberi arbitrij vires, & operum bonorum merita excludi  
 videantur; aut è contrario nimium ipsis tribuatur.